

AUGLÝSING

um váttryggingafjárhæðir í aksturskeppni.

1. gr.

Ákveðið hefur verið að váttryggingafjárhæð vegna framkvæmdar á aksturskeppni skuli nema 48.500.000 króna vegna hvers einstaks tjóns. Eigin áhætta skal vera 10%, þó 28.000 krónur að lágmarki og 280.000 krónur að hámarki.

Einnig hefur verið ákveðið að váttryggingafjárhæð slysaftryggingar vegna starfsmanna við keppni utan vega skuli vera 4.850.000 krónur við dauða eða algera varanlega örorku.

2. gr.

Ákvörðun þessi sem tekin er samkvæmt 3. mgr. 5. gr. reglugerðar um akstursþróttir og aksturskeppni nr. 257 18. apríl 2000, gildir fyrir árið 2002.

Dóms- og kirkjumálaráðuneytinu, 15. nóvember 2001.

F. h. r.

Ólafur W. Stefánsson.

Sandra Baldvinsdóttir.

REGLUR

um inntöku nýnema í læknisfræðiskor og sjúkraþjálfunarskor í læknadeild Háskóla Íslands.

1. gr.

Ákvörðun um fjöldatakmörkun.

Læknadeild leggur fyrir háskólaráð, ef þörf krefur, rökstuddar tillögur um fjölda stúdenta sem unnt er að taka til náms í læknisfræði og sjúkraþjálfun. Skal beiðni frá læknadeild þar að lútandi send háskólaráði fyrir lok nóvember. Háskólaráð afgreiðir tillögur læknadeildar eigi síðar en í janúar.

Ákvörðun um fjölda nýnema sem teknir eru inn ár hvert, gildir í 3 ár. Heimilt er að endurskoða ákvörðun innan tímabilsins, vegna breyttra aðstæðna.

2. gr.

Inntökupróf.

Inntökupróf er haldið í júní ár hvert, í fyrsta sinn árið 2002, samkvæmt nánari ákvörðun læknadeildar að höfðu samráði við framkvæmdastjóra kennslusviðs Háskóla Íslands. Prófið er haldið á vegum Háskóla Íslands og í húsnæði hans.

Læknadeild auglýsir prófið og liggur sérstök lýsing á framkvæmd þess frammi á skrifstofu deildarinnar.

Nemendur skulu vera skráðir sérstaklega til inntökuprófsins hjá nemendaskrá Háskóla Íslands áður en þeir ganga til prófsins. Tiltekinn fjöldi, ákveðinn skv. 1. gr., þeirra nemenda sem bestum árangri ná í prófinu fá rétt til náms í læknadeild Háskóla Íslands – læknisfræði eða sjúkraþjálfun, sbr. 4. gr. Nemandi sem öðlast rétt til náms í læknadeild að loknu inntökuprófi, skal hefja námið á næsta haustmisseri eftir prófið. Að öðrum kosti hefur hann

fyrirgert rétti sínum til náms í læknadeild á grundvelli þessa inntökuprófs, en þann rétt öðlast þá sá nemandi sem næstur var því að öðlast rétt til náms á grundvelli sama inntökuprófs. Séu tveir eða fleiri nemendur jafnir öðlast báðir eða allir rétt til náms á næsta haustmisseri.

3. gr.

Skráning til inntökuprófs.

Skráningu til inntökuprófsins skal lokið fyrir 5. júní. Skráning getur farið fram enda þótt nemandi hafi þá ekki lokið stúdentsprófi, en þegar inntökuprófið er þreytt skal nemandinn hafa lokið stúdentsprófi eða öðru sambærilegu prófi.

Heimilt er á grundvelli 1. mgr. 18. gr. laga nr. 41/1999 um Háskóla Íslands að innheimta próftökugjald til að kosta gerð, fyrirlögn og yfirferð inntökuprófa. Ef próftökugjald er innheimt fer um fjárhæð þess og innheimtu eftir sameiginlegum reglum fyrir Háskóla Íslands.

4. gr.

Skrásetning til náms í Háskóla Íslands.

Skrásetningu þeirra sem þreyta inntökupróf skv. þessum reglum og öðlast rétt til náms í læknadeild skal lokið fyrir 20. ágúst. Þeir sem ekki öðlast rétt til náms í læknadeild eiga þess kost að skrásetja sig innan sömu tímamarka í aðrar deildir gegn greiðslu skrásetningargjalds skv. reglum Háskóla Íslands.

5. gr.

Framkvæmd og námsefni í inntökuprófi.

Undirbúningur fer fram af hálfu læknadeildar í samstarfi við kennara framhaldsskóla. Prófið tekur tvo daga með þremur tveggja tíma próftímum hvorn daginn, eða 12 klst. alls.

Í stað hefðbundinna viðtala, sem víða tíðkast við inntöku nýnema, verður prófið að hluta til mat á almennri þekkingu, nálgun og úrlausn vandamála svo og spurningar um siðfræðileg álitaeefni. Tveir tveggja tíma próftímar verða nýttir fyrir þennan hluta er gildir 30% af heild. Í þeim hluta er um að ræða krossapróf og stuttar ritgerðir. Þessi prófþáttur byggir ekki á ákveðnu námsefni.

Hinir próftímarnir fjórir verða fyrir krossapróf eingöngu (70% hluti) með tveimur mínútum að meðaltali fyrir hverja spurningu eða samtals 240 spurningar.

Sá hluti miðast við námsefni framhaldsskóla svo sem lýst er hér á eftir. Þeim námskeiðum sem mælt er með til undirbúnings er lýst í „Aðalnámskrá framhaldsskóla – almennur hluti, 1999“.

Í fyrsta sinn (árið 2002) verður einkum miðað við þau námskeið sem eru í kjörnum mála-, náttúrufræði- og félagsmálabrauta. Áherslur einstakra greina úr ráðlögðum undirbúningsnámskeiðum geta síðar orðið mismunandi frá einu ári til annars.

Þeir áfangar sem lagðir eru til grundvallar fyrir prófið eru eftirfarandi:

- a) Eðlisfræði, EÐL 103, 203, 303.
- b) Efnafræði, EFN 103, 203, 303, 313.
- c) Enska, ENS 103, 203, 303, 403.
- d) Félagsfræði, FÉL 103, 203.
- e) Íslenska, ÍSL 102, 202, 212, 303, 403, 503.
- f) Náttúruvísindi, NÁT 103, 113, 123, LÍF 103.
- g) Saga, SAG 103, 203.
- h) Stærðfræði, STÆ 103, 203, 303, 403, 503.
- i) Tölfræði, STÆ 313, 413.
- j) Tölvufræði, TÖL 103, 113, 203.
- k) Sálfræði, SÁL 103, 203.

Læknadeild tilnefnir umsjónarmenn með samningu prófsins og til að fara yfir prófurlausnir. Háskólaректор skipar, að fengnum tillögum læknadeildar, prófdómara einn eða fleiri eftir atvikum.

Þar sem ekki er um að ræða krossapróf dæma umsjónarmenn annars vegar og prófdómari hins vegar úrlausnir og gefa sjálfstætt einkunn fyrir úrlausnir. Endanleg niðurstaða er meðaltal þeirra einkunna.

Lágmarkseinkunn er 5,0. Einkunnir verða reiknaðar með tveimur aukastöfum.

Próf verða síðar aðgengileg á netinu.

6. gr.

Skorir læknadeildar.

Inntökupróf er sameiginlegt fyrir báðar skorir læknadeildar, læknisfræði og sjúkraþjálfun, en heimilt er að hafa mismunandi vægi í einstökum prófgreinum fyrir hvora skor enda verði það auglýst sérstaklega. Við innritun í prófið ákveða nemendur fyrir hvora skorina (læknisfræði eða sjúkraþjálfun) prófurlausn þeirra skuli metin með því að merkja töluna 1 við þá skor sem við á. Jafnframt geta nemendur óskað þess að prófurlausn þeirra verði einnig metin til hinnar skorarinnar með því að merkja töluna 2 við þá skor. Þeir sem merkja töluna 1 við ákveðna skor ganga fyrir þeim sem merkja töluna 2 og koma þeir því fyrst til álita ef ekki ná nógu margir einkunninni 5,0 í þeirri skor (sbr. 1. gr.).

Aðrar deildir geta gerst aðilar að prófinu samkvæmt sérstökum samningi milli deildanna.

7. gr.

Gildistaka o.fl.

Reglur þessar um inntöku nýnema í læknadeild, hefur háskólaráð sett með stoð í 2. mgr. 13. gr. laga nr. 41/1999 um Háskóla Íslands, sbr. 3. mgr. 89. gr. reglna fyrir Háskóla Íslands nr. 458/2000.

Reglur þessar öðlast þegar gildi.

Ákvæði til skýringar.

Nemendur sem hafa áður þreytt samkeppnispróf á vegum læknadeildar (síðasta próf haustið 2001) en ekki hlotið rétt til náms í læknadeild vegna fjöldatakmakana, þurfa einnig að undirgangast það inntökupróf sem hér er lýst (sumar 2002), óski þeir að sækjast eftir námi í læknadeild á ný. Ekki verður haldið sérstakt próf með gamla laginu (numerus clausus) haustið 2002.

Um er að ræða próf til inntöku nýnema til náms í heilbrigðisvísindum. Hugtakið „almenn þekking“ í skilningi reglna þessara miðast því við það markmið en sviðið er í sjálfu sér ekki takmarkað að öðru leyti en því, að leitað verður eftir þekkingu á málefnum líðandi stundar s.s. á sviði mannlegra þátta, sögu og menningar hvers konar, félagsfræði og heilbrigðisumræðu. Nálgun og úrlausn vandamála, svo og siðfræðileg afstaða, verða metin eftir lausnum sérstakra vandamála sem verða sett fram sem sjúkratilfelli eða annars konar vandamál til úrlausnar. Höfundar prófsins munu við gerð þess ákveða fyrirfram hvaða áherslum er verið að sækjast eftir til að byggja ramma utan um einkunnagjöf.

Háskóla Íslands, 8. nóvember 2001.

Páll Skúlason.

Þórður Kristinsson.